

ЭРДЭМ ШИНЖИЛГЭЭНИЙ АЖИЛТНЫ ЗЭРЭГ ДЭВИЙН ТОДОРХОЙЛОЛТ, НИЙТЛЭГ ШААРДЛАГА, ШАЛГУУР ҮЗҮҮЛЭЛТ

1.Эрдэм шинжилгээний ажилтны зэрэг дэвийн тодорхойлолт

Эрдэм шинжилгээний тэргүүлэх, ахлах, дэд, дадлагажигч ажилтан гэж тухайн зэрэг дэвийн нийтлэг шаардлага болон шалгуур үзүүлэлтийг хангасан эрдэм шинжилгээний ажилтныг хэлнэ.

2.Эрдэм шинжилгээний ажилтны зэрэг дэвийн нийтлэг шаардлага

а) Эрдэм шинжилгээний тэргүүлэх ажилтан дор дурдсан нийтлэг шаардлагыг хангасан байна:

1. Докторын /Ph.D/ зэрэгтэй, докторын зэрэг хамгаалснаас хойш судалгааны чиглэлээрээ 6-аас доошгүй жил ажилласан;
2. Судалгааны шинэ чиглэл санаачлах, хэрэгжүүлэх чадавхтай (олон улсын болон үндэсний судалгааны тэтгэлэг, төсөл хэрэгжүүлэхээр шалгарч гэрээт, захиалгат ажлыг гүйцэтгэн эрдэм шинжилгээний байгууллагадаа санхүүгийн эх үүсвэрийг бий болгосон), эрдэм шинжилгээний байгууллагын материаллаг баазыг бэхжүүлэхэд тодорхой хувь нэмэр оруулсан, лаборатори, кабинет байгуулсан, шинэ тоног төхөөрөмж авсан г.м)
3. Өөрийн судалгааны мэргэшсэн чиглэлээр 3-аас доошгүй судлаачийг бэлтгэсэн байх;
4. Эрдэм шинжилгээний ажилтны ёс зүйн хэм хэмжээг сахин биелүүлдэг, бусдыг үлгэрлэн манлайлдаг, багаар ажиллах чадвартай;
5. Патент, зохиогчийн эрхийн гэрчилгээ авсан эсвэл нэг сэдэвт бүтээл нийтлүүлсэн;
6. “Scopus” эсвэл “Web of Science”-д бүртгэлтэй эрдэм шинжилгээний сэтгүүлд өгүүлэл, номын бүлэг хэвлүүлсэн, олон улсын эрдэм шинжилгээний хуралд аман илтгэл хэлэлцүүлсэн байх.

б) Эрдэм шинжилгээний ахлах ажилтан дор дурдсан нийтлэг шаардлагыг хангасан байна:

1. Доктор/Ph.D/-ын зэрэгтэй, докторын зэрэг хамгаалснаас хойш судалгааны чиглэлээрээ ажилласан;
2. Шинжлэх ухаан, технологийн төсөл, сэдэвт ажил, эрдэм шинжилгээний бага хурал, семинар, хээрийн судалгааг удирдах, судалгаа шинжилгээний ажилд дүгнэлт хийх арга барил эзэмшсэн, багаар ажиллах чадвартай;
3. Эрдэм шинжилгээний ажилтныг шинэ мэдээллээр хангах, дадлагажуулах, тэднийг эрдэм шинжилгээний ажлын арга барилд сургах чиглэлээр ажилласан;
4. Гадаад хэлийг мэргэжлийн түвшинд эзэмшсэн (Эрдэм шинжилгээний ажилтан гадаад оронд бакалаврын ба түүнээс дээш түвшний сургалт буюу Монгол Улсын гадаад хэлний магадлан итгэмжлэгдсэн дээд сургуулийг амжилттай төгссөн бол гадаад хэлний үзүүлэлтийг хангасанд тооцно. Эрдэм шинжилгээний ажилтан аттестатчиллаар шалгуулах гадаад хэлийг өөрөө сонгоно);

5. Мэргэжлийн багаж, тоног төхөөрөмж, хэрэглээний программуудыг эзэмшсэн;
6. Өөрийн судалгааны мэргэшсэн чиглэлээр 2-оос доошгүй судлаачийг бэлтгэсэн байх;
7. Эрдэм шинжилгээний ажилтны ёс зүйн хэм хэмжээг сахин биелүүлдэг, бусдыг үлгэрлэн манлайлдаг;
8. Импакт фактортой эрдэм шинжилгээний сэтгүүлд өгүүлэл хэвлүүлсэн, олон улсын эрдэм шинжилгээний хуралд аман илтгэл хэлэлцүүлсэн байх.

в) Эрдэм шинжилгээний дэд ажилтан дор дурдсан нийтлэг шаардлагыг хангасан байна:

1. Магистраас доошгүй зэрэгтэй;
2. Шинжлэх ухаан, технологийн төсөл, суурь судалгааны сэдэвт ажлыг гүйцэтгэх арга зүй эзэмшсэн, багаар ажиллах чадвартай;
3. Мэргэжлийн багаж, тоног төхөөрөмж, хэрэглээний программуудыг эзэмшсэн;
4. Гадаад хэлийг өөрийн судалгааны чиглэлийн түвшинд эзэмшсэн;
5. Эрдэм шинжилгээний ажилтны ёс зүйн хэм хэмжээг сахин биелүүлдэг;
6. Судалгааны чиглэлээрээ сүүлийн 4 жил ажилласан.

г) Эрдэм шинжилгээний дадлагажигч ажилтны зэрэг дэвийн орон тоонд ажиллах хүн дор дурдсан нийтлэг шаардлагыг хангасан байна:

1. Бакалавраас доошгүй боловсролын зэрэгтэй;
2. Өөрийн судалгааны ажлын чиглэлээр арга зүй эзэмшсэн, багаар ажиллах чадвартай;
3. Мэргэжлийн багаж, тоног төхөөрөмж, хэрэглээний программыг эзэмшсэн;
4. Эрдэм шинжилгээний ажилтны ёс зүйн хэм хэмжээг сахин биелүүлдэг;
5. Гадаад хэлний зохих мэдлэг эзэмшсэн.

3.Эрдэм шинжилгээний ажилтны зэрэг дэвийн шалгуур үзүүлэлт

Эрдэм шинжилгээний ажилтны зэрэг дэв	Шалгуур үзүүлэлт
Эрдэм шинжилгээний тэргүүлэх ажилтан	• “Scopus” эсвэл “Web of Science”-д бүртгэлтэй, импакт фактортой сэтгүүлд эрдэм шинжилгээний сэтгүүлд 2-оос доошгүй өгүүлэл түүнчлэн дотоодын эрдэм шинжилгээний тогтмол хэвлэгддэг сэтгүүлд 6-оос доошгүй өгүүлэл хэвлүүлсэн; • Олон улсын хуралд 3-аас доошгүй илтгэл хэлэлцүүлэх, дотоодын эрдэм шинжилгээний хуралд 4-өөс доошгүй илтгэл хэлэлцүүлж, хурлын эмхэтгэлд хэвлүүлсэн; • Зохиогч, хамтран зохиогчоор ажилласан нэг сэдэвт бүтээл, хамтын бүтээл, ном, эмхэтгэл, сурах бичгийн тоо, сэдэвчилсэн зураг 3-аас доошгүй, эсвэл гадаад болон дотоодод хамгаалсан патент, ашигтай загвар, гарган авсан инновацын бүтээгдэхүүн, (сорт, үүлдэр), практикт нэвтэрсэн үйлчилгээ, ТЭЗҮ, программ хангамж 1-ээс багагүй байх; • Эрдэм шинжилгээний бүтээлээс нь дотоод, гадаадын судлаачдын авсан эшлэлийн тоо 25-аас доошгүй байх; (өөрийн бүтээлээс авсан эшлэлийг оруулахгүйгээр) • Олон нийтийн мэдээллийн хэрэгслээр 6-аас доошгүй нийтлэл, ярилцлага, өгүүлэл өгсөн; Доктор 1 эсвэл магистрын ажил 2-оос доошгүй удирдаж хамгаалуулсан, 2-оос доошгүй шүүмжийг бичсэн байх; 2-оос доошгүй шүүмж бичсэн; • Удирдсан, гүйцэтгэсэн төсөлт ажлын тоо 3-аас доошгүй байх; • Эрдэм шинжилгээ, судалгааны ажлын баталгаажуулсан арга зүй, тайлан 2-оос доошгүй; • Гадаад хэлний мэдлэгтэй байх;

Эрдэм шинжилгээний ахлах ажилтан	• Импакт фактортой эрдэм шинжилгээний сэтгүүлд 1-ээс доошгүй, олон улсын сэтгүүлд 2-оос доошгүй, дотоодын эрдэм шинжилгээний тогтмол хэвлэгддэг сэтгүүлд 4-өөс доошгүй өгүүлэл хэвлүүлсэн; • Олон улсын хуралд 2-оос доошгүй илтгэл хэлэлцүүлэх, дотоодын эрдэм шинжилгээний хуралд 3-аас доошгүй илтгэл хэлэлцүүлж, хурлын эмхэтгэлд хэвлүүлсэн; • Зохиогч, хамтран зохиогчоор ажилласан нэг сэдэвт бүтээл, хамтын бүтээл, ном, эмхэтгэл, сурах бичгийн тоо, сэдэвчилсэн зураг 2-оос доошгүй, эсхүл гадаад болон дотоодод хамгаалсан патент, ашигтай загвар барааны тэмдэгт гарган авсан инновацын бүтээгдэхүүн, (сорт, үүлдэр) практикт нэвтэрсэн үйлчилгээ, ТЭЗҮ программ хангамж 1-ээс багагүй байх; • Эрдэм шинжилгээний бүтээлээс нь дотоод, гадаадын судлаачдын авсан эшлэлийн тоо 15-аас доошгүй байх; (өөрийн бүтээлээс авсан эшлэлийг оруулахгүйгээр); • Олон нийтийн мэдээллийн хэрэгслээр 4-өөс доошгүй нийтлэл, ярилцлага, өгүүлэл өгсөн; • Магистрын ажил 1-ээс доошгүй удирдсан, 2-оос доошгүй шүүмж бичсэн; • Удирдсан, гүйцэтгэсэн төсөлт ажлын тоо 2-оос доошгүй байх; • Эрдэм шинжилгээ, судалгааны ажлын баталгаажуулсан арга зүй, тайлан 1-ээс доошгүй; • Гадаад хэлний мэдлэгтэй байх;
Эрдэм шинжилгээний дэд ажилтан	• Импакт фактортой эрдэм шинжилгээний сэтгүүлд 1-ээс доошгүй, дотоодын эрдэм шинжилгээний тогтмол хэвлэгддэг сэтгүүлд 2-оос доошгүй өгүүлэл хэвлүүлсэн; • Олон улсын хуралд 1-ээс доошгүй илтгэл хэлэлцүүлэх, дотоодын эрдэм шинжилгээний хуралд 2-оос доошгүй илтгэл хэлэлцүүлж, хурлын эмхэтгэлд хэвлүүлсэн; • Зохиогч, хамтран зохиогчоор ажилласан нэг сэдэвт бүтээл, хамтын бүтээл, ном, эмхэтгэл, сурах бичиг, сэдэвчилсэн зураг, гарын авлагын тоо 1-ээс доошгүй, эсхүл гадаад болон дотоодод хамгаалсан патент, гарган авсан инновацын бүтээгдэхүүн, практикт нэвтэрсэн үйлчилгээ, ТЭЗҮ, программ хангамж 1-ээс багагүй байх; • Эрдэм шинжилгээний бүтээлээс нь дотоод, гадаадын судлаачдын авсан эшлэлийн тоо 5-аас доошгүй байх; (өөрийн бүтээлээс авсан эшлэлийг оруулахгүйгээр); • Олон нийтийн мэдээллийн хэрэгслээр 2-оос доошгүй нийтлэл, ярилцлага, өгүүлэл өгсөн байх;

	• 2-оос доошгүй хээрийн судалгаа, лабораторийн ажил, социологи, бодлогын болон хамтарсан судалгаанд хамтран болон бие даан гүйцэтгэсэн байх, оролцсон байх, • Гүйцэтгэсэн төсөлт ажлын тоо 1-ээс доошгүй байх; • Эрдэм шинжилгээ, судалгааны ажлын оролцсон арга зүй, тайлан 1-ээс доошгүй; • Гадаад хэлний мэдлэгтэй байх;
Эрдэм шинжилгээний дадлагажигч ажилтан	• Зохиогч, хамтран зохиогчоор ажиллаж, хэвлэн нийтлүүлсэн эрдэм шинжилгээний 2-оос доошгүй өгүүлэл хэвлүүлсэн байх; • Эрдэм шинжилгээний ажлын 2-оос доошгүй арга зүйг эзэмшиж, судалгааны ажилдаа нэвтрүүлж, үр дүнг тайлагнасан байх; • Эрдэм шинжилгээний хуралд 2-оос доошгүй илтгэл хэлэлцүүлсэн байх; • Захиалгат, гэрээт, төсөл болон бусад салбарын мэргэжлийн 1-ээс доошгүй эрдэм шинжилгээний ажилд гүйцэтгэсэн, оролцсон байх; • Гадаад хэлний мэдлэгтэй байх;